

جَدِّ السَّلَامِ الرَّحْمَنِ

وَيَوْلَانِي  
بُورْجَانِي

مَنْشُورَاتُ مَكْتَبَةِ الْأَنْدَلُسِيِّينَ  
الْبُرْكَة - بَنْغَازِي - يُسْبِيَا

## يا غزال لا تجارا

يتخيل الشاعر أنه وجد غزالاً فأراد  
أن يسأله عن محبوبته :

يا غزال لا تجارا      بانن عليك أوصاف سود انظارا  
تعال ننشدك

يا غزال كيفك كيفا      رقيق البشر مول الشفاه رهيغه

امغير انت ما تعرف اولاتخريفا  
او هي زوق والجايل اتحيد جضارا

او مشيا اليها فوق الوطاه ظريفا  
دويينها توطا الها نجرارا  
يا غزال لا تجارا ...

يا غزال لا تجارا

مكتبة المصطفى  
لبنان - بيروت

يا غزال حطايا      وين نلحظك يخطر سيريبي امنايا

امغير انت ما ترجا خفيف روايا

او هي عقلها وازن بعيد اجارا

الها خد لا قابل ابشوط وقايا

ابروق ليل في مازق قوي تيارا

يا غزال لا تجارا ...

يا غزال اشرف      ان كان ريتا بالك ابيها اتعرف

راه بالسهارى عقلها يظرف

ادور على مدعا خليل ادوارا

اتجلى جظارك وين ما اتخرف

اعيون من خرم وقتا اسهى بزارا

يا غزال لا تجارا ...

قال الغزال :

والله ما نظرنا غالى ولا ريت حاجا شابهت لمثالي

نا امعيشتي واخذ افجوج خوالي

سلوك بر ما فيهن ولا غثارا

احدود النظر ما ريت فيهن والى

امفيت القطا وإلا افراق احبارا

يا غزال لا تجارا ...

قال الشاعر :

يا غزال ما تعرفا      اللي وصفها كيفك بعد نوصفا

امغير انت عايش في ابساط اودفا

وهي وطنها لوطا عرب وكارا

برمت اللي وقتا الفارس هفا

قند اطروف الدير في مشوارا

يا غزال ...

قال الغزال :

نلقاني نعرفا      دار بوحداجا لا ورا تسفا

أخس الخلا ناوي طريق طويلا  
وهي راكبة في اللي جديد أوصارا

أريت خدها يلمع ادقول فتिला  
فوق من عريض الزور بووروارا

او بيت على مشيت اظنا شر ليلا  
اريد موكرا هفن عليه اديارا

ذبال العيون السود بوتكليلا  
جا صعيب واسوالك عليه معارا

اجا وطنها مزنوق ما تمشيللا  
انزلت وين ما حط الغراب اصغارا

يا غزال ...

قال الشاعر:

يا غزال الحيا      اخبرني على غاش كحيل اصبيا

امغير انت ما تقدر اتخش الدفا  
مشيك عطيب وقربتك ما طارا

وهي حازها رقرق دايير ضفا  
اكيد بوجناوح بيض بوفرارا  
يا غزال ...

قال الشاعر :

يا غزال ناسل عنا      مول الحداجا لا ورا تشنا

هو اللي رزا لنظار داهن منا  
ولطن قساميا وحيزت دارا

دارن غلا واجد أما لحقنا  
اذبلن نين ما يسون عقاب اجفارا

يا غزال ...

قال الشاعر :

نلقاني صاحيلا      امنين نجعها قشع واساق رحيلا

قال الفزال:

نلقانا تباعد في افجوج خليا  
كيف البحر رقرقهن يجارا  
لا لا طريق امعديا رسميا  
ولا يخبرا سواق في سيارا  
أخدمك على هايج ولد بريا  
وافى جسد قيس الثلاث افطارا  
اقلالي امعقط ربتا ابدويا  
واكل عفا حومت اسلوك القارا  
لا داعكا حلاب في أضحويا  
ولا عمرهم حطوا عليه أقرارا  
صوكت انيابا حس موزيكيا  
والا مقام يضابح امع جارا

عدل اوتاه وكلفا اجويا

وتعال نوصفك صابغ سواد انظارا

أوقايت اطنا شر يوم بالعديا

ان كانك ولد تصدف اوهام اديارا

ياغزال ...

طوقا والقسا مدهونا  
مومن دونا  
جور نين هلب قانونا

جرح اللي جسار اعينونا  
مومن تونا  
له تاريخ اتاوق سوا

طوقا والقسا مفروقا  
ماحت روقا  
عسكر شال اضابح بوقا

والذرعان اتقول ابروقا  
ليلة نوا  
صادت كل غريق تروا

طوقا تهبل يا رجالا  
سود خجالا  
ماهان ابطولة ميجالا

جرحا متقاوى شلالا  
داير هو  
لاقط فيه ثمان افروا

طوقا مشيتا فتعاصى  
منها قاس  
نحرق في جوفي ابسباس

## طوقا والعربين اضوا

يصف الشاعر في هذه القصيدة جمال حبيته  
ويضرب عدة امثلة حسب ما فيها :

طوقا والعربين اضوا  
جت تطوا  
ريم خلي طالقتا صوا

طوقا مردوعا ابوقايا  
كي اتهايا  
ولعت نارا تشيط امعايا

كم دكتور اوحل في دايا  
ما تدوا  
لوعت بوممشوط املوا

سابق مقفوتا بجلاسي

طالع توا

لاجت بالشملا تطوا

طوقا والسالف كداتا

وين سفاتا

فوق اللي واست طياتا

قائد عام البس تاجاتا

سامع دوا

ناض ابقوا جا مالي لبحار أوجو

طوقا منقضها رازيني

لا تطريني

راه كل اسوال ابكيني

بومشيا طج اتزعبيني

عقلي شوا

داير فيه أترع لاجوا

طوقا والعرنين نظيف

أناب رهيف

بودور اشعل ماح لفاليف

اتكلف في روسا تكليف

أطوال املوا

غرس اجنان ابماه تروا

طوقا في لوصاف جميلة

جابت ما لجفال امواير

لاي هوتف تقنوق طويلا

لاي من الله دنات قصاير

لاي من الله خشنات غويلا

لاي من الرق ادقول جباير

لاي سمرا فيها تضليلا

لا النظاف عليها جاير

بنتا تقول شراب ارقبلا

في توصيف الفرخا حاير

لاجت تمشي بتجلويلا

مركب في رقرق اتكاير

ولها مجت عين ذيبلا

حربي فرط يوم خساير

ترزي في ابكل وسيلا

عين اللي رامما الحباير

في اليوم اطنا شر تبديلا

من عالي للباس الناير

شكلي ما تشقى ابمبثيلا

كم تقناق عليها ساير

لكن غير العين ضليلا ما تاخذ تهليل دباير

بومشيا جر اتجلويلا يا سا جار واحبا جاير

عين الله جلوا كمبيلا

جر حا جو نضامر خايف من سوا ...

طوقا والعرنين اضوا

## مَجَاوِرَةٌ بَيْنَ الْعَقْلِ وَالْعَيْنِ

العقل :

أوكان راك بكي تي

حتى اشرطي ثوبك أما رديتي

امغير تنعمي بالعين ويش قضيتي

الصبر راه ما كيفا دوا للدايا

في اشهادتك مانك اللي ظليتي

ساعة الفاظ فلاك السهرايا



حتى على الشور ما رديتي  
وحتى فلت ما جت عليك اعنايا

العين :

يا العقل شد احبالك  
اللي اتريدني تنسى وأنا نابالك

هذا ظلال ادبارتك وهبالك  
اللي بينا يرث اعداد سوايا

دبر على روحك أراح ابجالك  
حتى البوى ما عمري خذيت أوهايا

ولا عمر والى جا ابداه شكالك  
اعلقت كي البوسما امع المثنايا

العين ايضا :

ما تتركا موالي  
ولا انسيا مول النياب مجالي

والعقل زاد قالها ذبليتي حالي  
امنك اسباب مضرتي أوردايا

يا لعين نطلقك نصيب اليالي  
نين كل احد ينظر عواقب رايا

منك سبايب جرها الوحالي  
اديري خبايص والسلاك امعايا

اتقول أو جاني . . . . .

اندير اتجارا ونركب على الزرقا اللي سيارة

وانجى البوحلق صابغ سواد انضارا

انمعد احذاه وننصبوا سخانى كان تم غايب عندنا خبارا

وكانهوا ابقى قاعد ادقول ارجاني

وين ما برم شرقي البيت توارا

ادقول هيت مكيالك الراجل جاني

تزقب انطب

انجى احذا الغرارا ابقاويطتي نعرف نصيب اثماني . . . . .

اندير اعماما ونركب على لزرق اللي بلجاما

والله انخش ابريزة الفحاما

## الجُرّ وتجارته بين النجوع

صناديق عالشهب اريد اتقاني

عزا فيك يا مول القرون مثاني

اندير تجاري ونبقى انبايع فالعرب وانشاري

وناخذ رباطي لفت واسفناري

ونبقى انبقل فيه لنسواني

ايضيق علمهن وين ما اتوق احماري

اللي تلحضا منهن

في كل علوه تلحضوا عثاني . . . . .

وانريد نبقى تاجر ونبقى انطالب فالعرب وتاجر  
أو نصبح على ريدي امطوبس حابر

أو اننسى معانيها وهي تنساني . . . . .

★

## اَبَدِ مَعَايَا لِنظَار

امساحمكن	ابد معايا لنظار ابكن
عزيزا مواعيدا صعبن	
على الجالات	ابد معاخلنهما فلات
غبا لي ذنب ولا سيات	
ابضيعتن	على ما قابل فالغيات
الياس مو احكمن	
الفاض لغن	اينصن بالفاظ عطيبات
المرجي م الغال اقطعن	
مساء ونهار	ابد معاخلنهما ضرزار
عليهم لي ذنب أولا عار	

الياس على غاليكن غار

ازاقتين

امعاه أو ما حاجا درتن

ايياسا قبل اجي خبار

استوحيقتن

خطاه رواويدا اسبقن

الدمعا خلنها بداد

على لرياد

اللي جو منحازين ابعاد

عليكن وين خطر ميعاد

الليل اخذن حنين أو

لمباكر زيدن

الياس خدا فيكن ملهاد

امخليكن

ضمايا عالفاضي تردن

الدمعا خلنها شلال

انضاق البال

ابكاكن غالزينين حلال

عزيزا بجر ايدىكن شال

عليه ابقن

سبابل عالباكيا واذرن

انا زاد امعاكن ننهال

انساعدكن

غلالي امواريدا غبين

ابد معا خلنها تقطر

الفرقا مر

الحملع اليايات اضر

مقاعد لباس النايير

اليوم اتجن

عليهن ما عاد اتريضن

تراعن في شارات خطر

اصابيتين

اخطاكن عن بيتا قصرن

ابد معا ماي ساعة تخميم

اشكن مالضميم

واقجن كي سوكات الغيم

مقاعد غايينا القديم

اللي كانن

عزيزلا دون الناس الكن

عليهن يا ساق التخطيم

ابها يحكن

الياس اذاعاتا انشرن

على فرقا خيرت لجيلال عزاكن يوماتي اسكبان  
غلا خزرت عين الجفبال اغليني فاقد لذهاب  
انكاي وانفارق لجيلال انسته كي شاة الدوشان  
غلا موتوا وقتا طال امتورخ في تاسع جرنان  
ازيد امع طولة لاجال غلام ما جاب امسحان  
غلا داير في الجوف امشال اهورنن لرواح اماهان  
الله دايم لواي الشال حصل في قسميتا الويات  
خطا ريدي شوف المزعال وخينه ما سارت لنسان  
نونا قسميتا ابجلال أنورا قدام الجيرات  
أدزيت اهلها عقال عليهم ما عندي اعدادان  
أقلتهم حملا ينشال أصحابوا ما الذلا في الميدان  
أناوي زردا واحتيفال ان كان اقسام عين الشيهان

ابد معا ماي ساعة تحسيب ابكا ابنحبيب  
الليل على طولاً تسكيب  
الغالي ما عاد فيه نصيب اليوم ايجن  
جرايد يا ساته طبعن  
خطاهم من غير تساييب اغلينيكن  
كبايا عالنار اتوجن  
ابد معا ماي ساعة تظنين تباكن وين  
ايقابلكن ضاوي العرنين  
حصل في خطة تقارين ايجازوكن  
ان كان على لو هام اتجن  
اتراعن غاليكن بالعين وما تصلن  
وخينه والفرعات بطن  
ابد معا خلنها تنهال عليكن ما فيها اتقدان

تنابوا حسادا عالجال او جو كيف افروخ الشعبان  
جميع اللي منسى مالبال اعاقب ما عنا انشدان  
وقف قدامي كي الخيال اطلق ويزعتر بايمان  
وكان غيري نبقى مزعال اصحابي تموي عدوان  
عيون اللي بسباقا جال عليه ابكن غباوين ان كان عماكن  
ابد معا بالنظار ابكن . . . . .

## يا العين يا بكايا

هذا لون آخر من الوان الادب  
الشعبي يسمى ( ضم القشة ) :

يا العين يا بكايا من يوما امع غيرك قرن سهر ايا  
انسيه خيرك

يا العين يا مظلولا

خطا عزيز مو منى مراد المولى

لو كان كل من غال عزيز ايطولا

جميع العرب راها الكل غنايا

من خاش كل من غالا عزيز اخونا

ويعقد مع غيرا قرن واحكايا

نعدوا غلا لشعل امرادع زولا

اعيون المقنص محزم الحمايا

ميتين فارس ركبتا معدولا

لبسوا بنادقهم مشوا غزايا

جت اصدافهم فرعت كراهبد ولا

خلتهم ربيضة فالبساط رمايا

اعيال يقهروا فالعقل يا امهولا

بلا دفن باتوا على الوطاه كبايا

يا لعين يا بكايا .....

يا لعين يا حنانا

واجد اللي مايل عليه زمانا

فنا شي واجد موا مغير غلانا

الدنيا قديما للعجب والرايا

كم ذود قحوش كتفو رعيانا

ابتن انجوعا فالبساط كبايا

وكم مير متوظف انصب نيشانا

شوق امو عامل اجرام جنايا

وكم قصر متعلى فنو سكانا

وهو كان يترىكا اتقول امرايا

واصبح دمار وهدمن سيسانا

وطاحن تراكيننا بعد تعلايا

يا لعين يا بكايا ...

يا لعين يا الهبيلا

اليوم ضاله ما عد تجيبك حيله

تبكي على غالي غنوه العيلا  
اليوم الغلا ناقص اصعب توفايا

ايام الدهر مالن بعد تعديلا  
وخلن كراسي هل الشان خلايا

وريتي مصار المرج كيف اطريلا

ابلاذ تامة تزهر اد قول امرايا  
اللي في الجليل ماريت سوق مثيلا

اجوه الصحافا تاغبين اعنايا  
كتب عليه الله بتزلزيلا

ليلة اشتا قاطب او في ظلمايا  
الحوش بودرج تما ابناه دقيه

اتمن وشاشينا اد قول ضحايا  
أعاد النعش يمشي بلا تغسيلا

كثروا على الدفان والعزايا

ثلاثين عشره بين يوم اوليله  
اللي دفنوا لا طارلا شلايا

واعاد يجبدوا فيهم انسا وعويلا  
تالفين يا ناري عليك رزيا

وكم طفل عايز ما اخلق في جيلا  
خريج مدرسة واخذ اعلوم اكفايا

أوما من ولد خرب افكار العيلا  
اللي فاهقا ما جت عليه اوقايا

عليهم كتب ابي اموت عجيلا  
لا ذنب لا هم عاملين جنايا

يا لعين يا بكايا . . . . .

يا العين عقلك دوني

خفوا اموازينك عرب خانوني



نا انسيت مدعاهم وهم نسيوني

وانتي امتليا فيهم اليوم غنايا

انعدوا غلا لابس جديد اللوني

هزت اركان المرج نين اثايا

اطيحت اصقاف الحوش بوبلكوني

اللي صاحبنا خاسر اموال اكفايا

تلا قوي زلزال مومن دوني

جن رواشنا فوق الوطاشظايا

اللي ما اقصر يوما جلام الجوني

ما صار فيهم خير لتعزاييا

وبنو عقاب خيام في الشليوني

امعا كل فجوا ريحن سفايا

يا لعين يا بكايا ...

ويا العين ها الحكاوي

كلهن على خونت اعيون الناوي

من يومن نقص وانتي امغير اتقاوي

ارسال دمعتك دارن القنات ملايا

انعدو غلا مول الجبين الضاوي

اللي خان ما شد الفاظ امعايا

سفانين انطجن فوق مالح داوي

واسقات من عالي السوم ملايا

شايلات ما يخرب اوطان تقاوي

ناويات هجمتن بعد تعشايا

اصلط عليهن طير حام سماوي

واخذ احسابا في السما بارقايا

سجل خريطتن اوعد ناوي

عليهن عطا خبرا الكل ولايا

## غلاء المهوور

قال الشاعر هذه القصيدة عندما أراد أن  
يعالج مشكلة غلاء المهوور في ليبيا :

مشاكل غلاء المهوور يا رجالا  
مشاكل اكبار ابادات عموم

اليوم وطننا منهن ابقى في حالا  
اتشيب اللي ما زال فول صوم

على ما فكرت اريد شي حلاله  
القيت باهن واثق حديد اصموم

حرك عليهن كاشات مقاوي  
شايلات م البمب الغزير اكفايا

خلنهن دقيلا غالفريق شطاوي  
طوح سواريهن الموج هتايا

يا لعين يا بكايا ...

صبرنا لحكم الله جل جلاله  
ولا غير حال الله حال ايدوم

اسم الله على اللي بايدات احباله  
وطالب الجيزه من بنات اليوم

ايموت موت ما يا جد الله في بالا  
نتيجة خلا جيبا وعلو السلوم

واللي مواجرها انجي نفتالا  
جيب المرا تما وخيدت قوم

ان كان فالمدينة تطلقا ابحلاله  
وخدمت اسنين اتذبها في يوم

وكانهم ابوادي تاخذ الشيالا  
المهم يبقى حقها متموم

ولا يفرقوا فالبكر ولا الهجاله  
حتى من البضاعة كل شي له سوم

اتسرح اللي عندك عليه دلالة  
وبينك وبينها معرفا وادموم

ايقول مرحباً ببيكم ابغير زعالا  
نحنا اصحاب وشينا مفهوم

ايوريك في لول كلا سهاله  
السان رطب ينعمك عليه النوم

ويرخيك نين اتجيبلا رجاله  
ويبقا اردودك فالجواب عتوم

وتطرح امعاه اللي في معدالا  
تلقى كلاما لولي مبروم

ادانيك وقرب احذاه العاله  
ويبقى ادقول انص في مرسوم

أول مادة تحم ابغير عداله  
ميتين كاش امغير دفع ارسوم

وسبعة ان كان اخطيت ما في باله  
اجيك منعقد باين عليه الشوم  
ومادة ثمانية هي الله نهباله  
اريدوا الزورة قبل سابع يوم  
الحاصل ايخايلك ابكل مساله  
اخشك مرض مالك عليه علوم  
اتهاب الفضيحة وقول ما ناباله  
ادير عزم وتخاطر على الديوم

ويطري دبش متخالفات اشكاله  
تحلف انا قارى اكتاب اعلوم  
مضلع ابو طرفين ما الدلاله  
عمله قديمه شكلها معدوم  
ومادة اثنين البيت ما تاباله  
اتريد حوش لامباتا ادقول انجوم  
ومادة ثلاث ان كان فيه عداله  
مع هلك ما تقعد مسافة يوم  
ومادة اربعة للعب مي جماله  
كلمتين والثالثة اتنوض اتحوم  
وخمسة اسياقك كان ما طيناله  
ايعاود الكم بامانتا متموم  
وستة اريدك جار ترعى ماله  
أوجيرت نسيبك هم كي لهموم

نظيفا والبستي النظيف وناعد كيف

انريد انحودد لك توصيف

الحاكم بو نيشان أو سيف امعاك خيال

اخذك اجي رايس عمال

نظيفا البستي مكعوم ألك خرطوم

اثر يا فوق مراكز روم

الى الحظك في عمره يوم عليك اسال

رقيق اترابا مو جمال

نظيفا والممشوط كسك حد ر يالاك

جميله والشكار اكفك

احزام اللي لاصار ادعاك ابغيا شال

ملش ما عاود فيه انعال

نظيفا والبستي بذلات او دورك فات

الشمله متكاصي طيات

## نظيفا والبستي م العال

تقال مثل هذه الاهازيج عادة في أفراح

البادية . وفي هذه الإهزوجة نرى قوة الشاعر

في وصفه للمرأة واعجابه بها :

نظيفا والبستي م لعال خطمتي شال

العقل اللي واثق جمال ،

نظيفا والبستي مالزوق رزني بوق

اعيونك والناب المرشوق

أنزاي من داهن ملحوق اسلاح اقتال خذاني

غير أجلى مازال

نظيفا كيف عناق الريم الى مو كارا في غردات  
 اتقسم في جوفي تقسيم امراضي منها متبعات  
 امعاها باقي كي ليتيم امطوبس وادموعي فلات  
 اجن كيف اموازيب الغيم ان هفتني ساعة غرات  
 اندوخ او يلفالي تخميم احوسن عندي لعدالات  
 اشيلني غيض او تشويم انكثر تهليل الرايات  
 الى قايس لوعات اوضيم وضايق تلويح الغيات  
 ايقوللهم راه امضيليم اجازي بمرض خطيرات  
 البين فيه ايبان عديم ستاير جوفنا منحرقات  
 أنا موجايبني تلزيم على مقعد سمح الصيفات  
 عيون اللي وان التخريم دما منقارا عالحوزات  
 عطا فيهن بيزار غشيم بعد جليلا بكلمات  
 احزام اللي في الخيل سقيم خذ فكريتي بسياسات  
 انجت تنطج اتقول زعيم ترقا في عال الرتبات

اتجوليك بين النزلات ارنوطي دال  
 ابسيقا خطم بين امحال  
 نظيفا خزراتك يرزن ولك تاقرن  
 جبين اوخدين اضاون  
 ادورك عالشاط اشون اتقول امحال  
 تكاصات اطروف الشال  
 نظيفا رسمن فيك انقط واخرم او خط  
 او دور زناكيل اشاوط  
 اطول مع لوصاف اسبط اولويت شال  
 لها نعدال سفينه فوق غريق الجال  
 نظيفا والبستي ما جار ايبان اصطار  
 او هذب اتقول نزيل امطار  
 حلال اتغير عليك مغار ابكل فعال  
 غبي لو حزوها بقتال

## بَنَاتُ بِلَادِي

في برنامج الادب الشعبي بالاذاعة الليبية  
ناقش الشعراء الشعبيون مشكلة المرأة وحصلت  
بينهم مشادة شعرية في حلقات متسلسلة وهذه  
القصيدة كانت لشاعرنا يرد فيها على الشاعر  
محمد العوامي :

ابعلم أوفن

بنات ابلادي ما خطين

كراسي في الدولة اكسبن

احسن شبان

بنات ابلادي فالنسوان

أيدن في واجب لسان

اعاني في شوط مراسيم على العاتق دارن لجيات  
غثيث الفرخا فالتقويم نخيل اغرس بين اجنانات  
أقولم في روسا توليم اظلم حاييس عاجدالات  
اذرعت الفرخا بالتوشيم سيوفا جبدين في دعكات  
جبين الفرخا وخريطيم اتريك اشعل بين وكالات  
صواب ديهـا بتخوتيم انجوم اثريا مرتدعات  
ضمير الفرخا بالتحزيم أشاظا لو بوطيـات  
امفيت من القاري الفهيم احرف اسمها رمزيات  
أول ما تنطق بألف أو ميم وأخل الباقي مجهولات  
ابضحكا مسروقا تبسيم شغلتي بال الخاطم  
يا بال اللي جال ...

نظيفا والبستي م العال...

اتنكر فيهن للقبطان

وهن ما بن

على قولك يا ما ضحكك

بنات ابلادي ...

بنات ابلادي عند القول بنات اوصول

اسكت ما فيهن بيش ادقول

ابشادة هاذول أوهاذول الفوز خذن

حضارا للنسوان بنن

بنات ابلادي ...

بنات ابلادي حد الزين

ادماغك وين

اللي تنظر فالغلطانين

مشاكل دارولك لخرين

اشقيت ابهن

احصلت او ما عاد احزن

بنات ابلادي ...

بنات ابلادي جيل تمام

صبرت ايام

أونا تايب ما أنريد كلام

ولكن وجعني لظلام

وكي اطلبن

النجدا ما لشبان خذن

الواحد منكن كي تنظام

امغير عطن

بلاغ ابنجدا نصلوكن

بنات ابلادي ...

بنات ابلادي والشبان

اسكت ما فيهم بيش اتدم

اسكت يا عوامي غلطان

اسكت ما ينفع فيك حشم

كلامك ما عندا ميزان

الروحك ما بخلت حرم

اتهاجم فالجيل العصران

اللي به دولتنا تفخم

اللي ابعثاتا لليونات

وكافة بلدان العالم

امغير على شون الطيران

وشون الغطاس العايم



عدد واجد كيفك غلطان  
ويدخل حتى في القفطان  
وهذا مو واجب لئسان  
جميع اللي راسا عريان  
اتريدوا ثوبا للسيقان  
اعبا الحكومة عالشبان  
نهار اللي اسير الدعكان  
ويبقى لبيض بوجنجان  
الوطن احاموه الجذعان  
اصدافك واصداف الشبان  
اصداف الهند اباكستان

القيتا فالشبان ايذم  
اوفى اللي لبسنا يشتم  
تهاجم فالجيل ابما لم  
ادقولوا ضايع مالا دم  
أشنا والغفا يجلم  
اللي مبداهم فيه ائذم  
ويبقى بوريشا يرزم  
قنابل من فوق اعرم  
اللي ما تقبل طاريهم  
انظر نقناقا وين اتم  
اللي افرغن اهجوم  
ابغارات اكبن  
بنات ابلادي ...

### انتي شوفك شوف الخايل

انتي شوفك شوف الخايل  
ابغيضه تل  
ملش ما اردن فيه انعل  
انتي شوفك شوف المضار  
الى عنقا لا فوق اسند  
اللي ما شجر وان اخضار  
ولا ايام خمسين الهد  
اعلق في وآن النوار  
الكوت الخيرا اتمجد  
مدلل سيدي موميار  
علوقا فالخلاه ارد  
احوكر كي شغل الزكار  
الى في علما متباعدا  
امكفلا خديم آجار  
عليه اعلق ويورد

اوعاد الخرخوط ام اصوار اتهادى فالحشو الشارد  
اوعاد اكيلا في المندار انظر توخذ والا ترتد  
كما مجلوبا بين اتجار عليها بومال ازايذ  
عليها سوق بلا سمسار واماليتا من غير عدد  
اسيوا يقدن كيف النار اوفوشيك انحاس امزوغد  
ثمان وجابي ليل نهار اوهم يدعكوا ضد ابضد  
افايت تاسع وجبا خار ذخيرة الغزايا حودد  
اضرب قايدهم طاح اصدار ابجري وامكوغظ هرد  
اكثر طايجم والنكسار اهاضا لون المتعند  
عدوك يسا ندار النادر ديا متقند  
ابقى سيل ادماهم تيار الظالم والمظلوم رقد  
فدو هلهما جابو لفخار الا الضايغ يوما حودد

اركب سيد الكوت الموفار اسبق لاقدام همد  
اوجا النواجعهم خبار على اللي ضايغ واللي رد  
اوجا طالقبا وان غرار اورد اللبل وجا جافل  
عزيب اريل تخايل قناصين جفل  
انتي شوفك شوف الخايل ...

## قوره اتقول خيام

يتأثر الشاعر بالخيل والجمال والصحراء  
ولذلك نراه دائما يأتي بها في أغلب اهاليه :

قور ادقول اخيام حكوما      دابر زوما  
حازر لباست بوثوما  
قور ادقول خيام نصارا      حو اقتارا  
حازا اللي نكمو في نارا  
شوف اللي ساعة مشوارا      عد اللوما  
جانب الدير ثمان اسهوما

منحازات بعيد اديارا

موفالحوما

ياقلت صاحب جرجارا

دونا رق تغارد بوما

وين انلوما

يعمد بوقسا مبروما

قور ادقول ...

قور ابان اتقول اخيام

ادير احزام

زوامقعد ناقش لقدام

عيون اللي جلولا حام

خفيف الحوما

ديما صيدتا محتوما

ضنى ما عد فيه اقسام

عليه خصوما

كثرو صاحيبا وادموما

من غير مسافة ليام

اللى امعلوما

حازت لباس المقيوما

قور ادقول ...

عاش في خور الحلابا هامل في رقا واديورا  
 ضربت ذبلا وين شلايا حداد انافخ في كورا  
 ذروا مرطوزا ابنصابا روشن في قبا مشهورا  
 دزينا للراعي جابا هايچ مدقاوي طيفورا  
 ساكر في تيار اخيابا مقدر قيس ثلاث افطورا  
 بركتا طقيت اركابا بعقالين امتاز اذكورا  
 فاو خلا حاسب باحسابا خذت اوتاي ابغير حكورا  
 وتينا واسقد نابا فاج ادقول هميل اديورا  
 فات المرج افات اركابا جردس هي ميعار فطورا  
 قيس العشرا نداعابا جا الفريق حصل في شورا  
 لاقوني جذعان طرابا عز الضاييف وان اخطورا  
 كلم للبيت مشابا فرحانين اباب احضورا

قور ادقول اخيام امبنا حازر عنا  
 غالي في قربا انتمنى  
 مول القطايا ثنا فارع نوما  
 عقلي متراقص ديوما  
 قور ادقول ...  
 قور امظلم دار ضيابا حاز اديار امرنجي دورا  
 دوم الدوم نظيف اكعابا شاغل دلالي بخطورا  
 نذكر لوهام انهابا نلقى في ممشاه ضرورا  
 ما يصلن مصكول انيابا لا بمبيه اولافيتورا  
 دونا رق ضنين شرابا تسع ايام ابانن قورا  
 ممشا يا ما ما للي اهابا كاد اللي ضابح ماتورا  
 يا قلت مشبوك انيابا في اللوان اصفر بجمورا  
 بوحجلات نظيف اثيابا كي قنان الحرا زورا

ضايقتنا ليل ابتنا بـا في صوان تقادح نورا  
لا نجع ولا وحي اكلابا لا نار اتقابل مكبورا  
وطن اخوف غير وجابا فيه أوحاش أو فيه انمورا  
والمغدود اللي نحسابا هادي ثاريتا ازعبورا  
منا سارتلي رتعا بـا ساعة تنزيت باصورا  
متغضب يا كل في اجنابا يخزر في ابعين نكورا  
يفجع في ابصوكت نابا كرت باب ورا صنيورا  
بات حزين على غيابا ليلتا ما ضاق اخضورا  
فاقد خلفاتا واربابا يطابخ نيضات اججورا  
يطحون كيف الدبابا يسحن فالحلاب ابزورا  
ماللي لاذ عني منشابا نطوي سامر كيف اسمورا  
فاقد لباس اللهابا بوشنقال ارسم باخضورا

خذ لوصاف اعدينا بـا مو ملال خفيف الثورا  
ناظ ايريد او هام حبابا عارفن ما زالن بورا  
جا عالخروبا مهلابا قبل يضابح باصورا  
سمالوس قند ما هابا فات حناويا وانحورا  
لمديور ضايق مشرابا بان عليه لصيف اقصورا  
بو حبور احصل فاجنابا وطن اعجب غير انظورا  
وادي العقاري واعقابا ما خم رقوا واحد ورا  
بوغسال امبحر سابا لخويمات اجن في شورا  
جا البلط فياض شرابا مختلفات الوان اطيورا  
سلكننا واسلوك بشادا تما يكرب فيهن شورا  
جا الظهر شايك حلابا قرب لو هام الغندورا  
خش ابساط ربيع اشعابا عزا المال ارضا مبدورا

جارحنا واد اوينا با غالى مشتاقين انظورا  
حن الله واصتاصلنا با  
قلعت لوما يقسم ولا ياس اقدوما

بومشيا تعديل نصابا  
مير حكوما فوق العاتق شال انجوما  
قورادقول ...

هذه القصيدة طبعت في اسطوانة  
تطلب من مكتبة الاندلس  
تلفون ٥٣٧٨

بتنا ناويه تعابا كلتنا يكفر من شورا  
تاق الفجر اقفزنا با قبل ايدير ضباب العورا  
ناض ارق امع نصابا طيارا معدل ناضورا  
عند الليل نباحم جابا شايب دوار اباكورا  
وصفنا توصيف نصابا بايت في دنواهم شورا  
حام نصيب اجبينابا عارف نزلتا مشهورا  
جا نازل عالبيت اصلابا شيهان امجلا لطيورا  
لاوين احزام اللعابا عين اللي فالت بسيورا  
لي في حوش اتسكر بابا لن في براكا مزرورا  
بوريشات اسماح اطنابا في شطبان عليه النورا  
حاييس في ريم الدردابا وام ابهال اسماح الصورا  
بتنا مبسوطين طرابا باتت ليلتنا مسرورا

## عزاي يا عيني في لشعل

عزاي يا عيني في لشعل  
انعدوا غيه عين الفالي  
شايبراعي عشر آجالي  
مسكين او يرعى ويكالي  
كل نسوم اشتا واليالي  
طايح في وحين ارزالي  
لكن وازا قطعة مالي  
اقصور جهل  
اسطاهن زوقا ما كمل  
شوف اللي يلعب باحبالا  
في هول امطعا طب حالا  
يتبع في سعى الرجالا  
فارغ فيه او هو باجلالا  
منهم حامل كل رزالا  
فالميتين اعداد جلالا

فارج به شلاق اموالي  
بيت با من غير نزالي  
والحال الميجود اليالي  
هونام او هو راح جوالي  
جاها ذيب اجر بشتتالي  
فيها حاس العب جلوالى  
فز أوما فالخوما والى  
لوين ادماها شتوالي  
شال الصوت اتما ايشالي  
من جدو امطراي وحالي  
هابا من هول لفالي  
باقيتك تبكي واتشالي  
رد على وطننا واعبالا  
في وطن امسوته جلجالا  
نوا عقربها تشالا  
مدت من طيحت مزالا  
مجوع تدعيسا من يالا  
ذيب امشر احاز حوالا  
يحسبها مدا ابسهالا  
موفاضل حولي بجلالا  
منها سارتلا نهبالا  
خطرها ريدي من جالا  
مي خونت مبروم خجالا

راه زلل اقل عدو او هو بيدي عقدتنا حل

عزاي يا عيني في لشعل . . . .

ما وقضولا  
رَنن تالي الليل اعقودا  
كانت غيبتنا مجهوله  
تم صعودا  
مقعد بوقصا مبعجودا  
عين اللي هامل في هودا

كي نمشولا  
يبقوا بالنقص اراعولا

رَنن تالي الليل اجراسا  
سمح الباسا  
بوجبنون اترك ايياسا  
وين خطم عند نسلاسا

حاكم دولا  
مليون محارب طاعولا

رَنن تالي الليل احذايا  
فيه وقايا

مول الخد اتقول امرايا

نافاضى واعزاز غنايا

باب الجولا  
تمن فيه مناقد قولا

## رَنن تالي الليل

رَنن تالي الليل احجولا  
خايل زولة  
كي فطنولا

رد او هو يكسر في طولا

رَنن تالي ليل اواقا بو علاقا  
بوفيلال اغبي في ساقا  
عين اللي حايم بسباقا

لولا بيتا كل ضحا نمشولا

رَنن مقياسا واصوارا بوماجارا  
لواي اطروفت جرجارا

لولا تحريش النقارا



رنن تالى الليل آواقا  
بود ملج ناصح دقاقا  
بوجبنون امعا العلاقا  
شوف اللي جيدا محاقا  
تبقى طرحتها دقاقا  
واركبها كيف البراقا  
عنوى مو سابق محاقا  
عنوى عن مردوع آواقا  
داير في عقلي سراقا  
تبقى حكيا برواقا  
هي بالسهرايا مشتاقا  
كبدى ما للرياف احراقا  
والمقياس اشوط خلايل  
لباس الملقوط الخايل  
لامبا شعلت بين وكايل  
من تاصيل اكهيل سلايل  
وين المسا قرن الجايل  
دارن عاجناب شعايل  
غير الوصف اجيب مثايل  
عين اللي بسباقا جايل  
كل ضحا شورا مذايل  
وين انجى والناس غفايل  
وانا عال تخريف ولايل  
عالي فيه اشواط نفايل

مول الدور كما فراقا  
عسكر يوم ادعاك تلاقا  
لابس من نوع الطقطاقا  
غالي ظل العين افراقا  
وافى قولا غير الحساد اراعولا  
رنن تال الليل احجولا...

اتريك اما توري او عجل  
اقوى يرغن  
غشايش ما لقلب احيدن  
احدود الغايا . . .

احدود الغايا مرسيديس  
وطاوت حس  
اوقوت علا وا كلاكس

الجوبا عالخال اتقرطس  
اتجي لزون  
ايسارا من شحات اجن  
احدود الغايا . . .

احدود الغايا شيفرليت  
اها عديت  
اقشاشي والشنطا لميت

اتنوكتا بنزين مليت  
امتغبين  
امرايف واوطاني هفن  
احدود الغايا . . .

## أحدود الغايا جيب اتحن

احدود الغايا جيب اتحن  
اتقربين  
اديارا مول الدمليج رن

احدود الغايا جيب المان  
وانا طربان  
اهاكي نزل عالقطران

اتسابق حتى بوجنجان  
اترابين  
القور اللي رق اديرن  
أحدود الغايا . . .

احدود الغايا اندروفل  
جديد اول  
اوتاهاكي ما الدار نزل

احدود الغايا في هنبر

انا جاضر

ايها انتواجل عين الحر

اللي من موحا متكدر

امطوجن

رسايل من شورا ما جن

احدود الغايا . . .

احدود الغايا نلقوشيف

اتحيد الكيف

اتقرب بوخرطوم نظيف

اجروحا جارن يالا طيف

امعاي هون

افوادي والريتين هفن

احدود الغايا . . .

احدود الغايا جيب احذاي

انلف اوتاي

ايها انتواجل غوش امناي

اللي طالق نيران امعاي

ابقيت انحن

علي امواعيدا اخطرنا

احدود الغايا . . .

احدود الغايا في بيجو

ايها نشو

سريعت رحلا ما نبطو

امواهيم الغالي نصلو

اللي اذبلن

انظاري من موحا يشكن

امعاي اجر وحا ما هن تو

اسنين مضم

اقدم غير تهايو اتقطن

احدود الغايا . . .

المنيا جابت نوع افيت

نزىكا جت

اكفاها ما لبزين خذت

اركبنا وامشرق فاجت

واعاد اتزن

اتراي في اوطن اكيدين

الموديل الساقط خلت

وراها جن

اريد افوتنها اعقبن

## كُلثُومٌ

الشاعر يصف محبوبته كلثوم :

طروها تدودش كلثوم  
ابعالى السوم  
اسللا تضامر بنجوم  
واضى اخدود  
ابوارق في شاييب ارعود  
احزام اللي يوم البارود  
اعد اللوم  
ايك المنهوبام القوم  
طروها ...

الساحل والباكور طوت  
عليها جن  
أماشي ما ينقال ابهن  
أضاوتن  
غرضها في لميال خذت  
اديار أم اعقود أساون  
احدود الغايا ...

طروها تدودش يا واق

والبس ارقاق

عيون الجافل مالبنداق

جبين الفرخا وقتا تاق

امع الخرطوم

ضوايا في سابع ديموم

طروها ...

طروها تدودش بالعين

احدود الزين

عيون الله فيه اسباين

انجت تنطج ابو طرفين

زعيم عموم

انخطم بين مراکز روم

طورها ...

طروها تعدل في مشيات

امر قوات

نزل لاقنا فيتورات

حرس دارولا ترتيبات

ابكل الزوم

جرولا في واجب متموم

طورها ...

طروها تنطج ابذلات

اجدد عملات

حرير او فضا مختبلات

خماس ادادي برکابات

نهار الشوم

انعالتا لا فوق اتجوم

طورها ...

طروها تمشي بتجلويل

أبنت اتخيل

الها سالف ضفات اميل

نخل بين اغرود زناكيل

ادير اظلوم

اهتز امع سوقات نسوم

طورها ...

طروها في سالف تمشط

ازوق انقط

أو شملا عالشرشوف اتخط

سفينا فوق غريق اتلط

اصدار نسوم

على مالح ترس واتعوم

طروها ...

طروها جو خطار الهلها

جابولى توصيف امثالى

جابوا ترتيب مسايهلها

كيف انها بالعين اقبالي

فرخا سود اطوال خجلها

منها جار غلا قسالي

صوبا ربي مو راسلها

غير ارق ابها في حالي

خلتني تالف واكلها

رحت اتقول غسير اشعالي

تخطم تظامر بشملها

مقصدها تشغل في بالي

فيها غمازي عاد لها

زايدها ميلين عدالي

بوها بلباس امبنتلها كلفا من عال العالي

ما تعرف كيف امثلها زادت عاجفال الغالي

لولاها ما جيت الهلها حتى يوم علبش انخوم

اتقدع دوم انعلق في صحبا وادمنوم

طروها ...



الها اعتقود فوق الصدروين اشلن  
كراوين خالطهن فليت ارباوي  
اقرون عازه .....

فوق الجبين سفتن  
طاحن اظلم ما حوتا لفتن

والها اعيون تصدع امع خزرتن  
وهي اتمجهن لا تعذرك لا تاوي

اخفن شديد العزم شبتن  
مزاريق طالقهن عدو قسراوي  
اقرون عازه ...

اطوال قضيبا

وهي امزوقا كيف الخناس الديبا  
وهو فوقها مايح ارجود ثناوي

## ضَمَّتْ قَشَّتْ

هذا اللون من الأدب الشعبي يسمى  
( ضم القشه ) يقال عادة في افراح  
البادية على مسمع من الجميع .

اقرون عازه فوق الجبين الضاوي  
اركيب على منهل اعطاش اوراوي

فوق الجبين ادلن  
اغرمبا على غردت ارمال تفلن

عيونها عوادي في القلوب ايعلن  
اموارق اديرن من احذاك فجاوي

عساكر وقايدهن عليه الريبا  
مشى الوطن عاصي طوعا ابتقاوي  
اقرون عازه ...

فوق الجبين اسفا

هالب اركان الشاي داير ضفا

برمت اللي وقتن الفارس هفا  
امع قفزتا خلا النعال شضاوي  
اقرون عازه ...

فوق الجبين املوا

اترق العزائم كي اتجى تطوا

شرار خدها تحت القناع اضوا  
براريق غيما نزلها متقاوي  
اقرون عازه ...

فوق الجبين اتشिला  
اطيحن ثناويا بعد تجديلا

نظاف خدها قابل امع التكليلا  
اتريكات بانن فالغريق الداوي

والها اذراع لا قابل امع التفصيلا  
بارق شعك في غيم دار شظاوي

قوي جرف شايبيا اضايق سيلا  
خلا العذا فوق الحروف شهاوي

وانا داي لومن يرق لا تمثيلا  
امغير العلل يجمل نصيب حكاوي

اسباب داي خرخوطا اتقول فتيلا  
امعى اطلقت مشهاب نار اواوي



اخفت اموزيني بعد تثقيلا

امفيت شورها ما عاد اريد جلاوي

اقرون عازه

حدر عنقالا

كيف ضنت ام ايهال عالرسالا

وهي امكلفا تكليفت المزعالا

شرار خدها تحلف اترك قهاوي

هنى بال من لمد الها عقالا

أوجوا لسيدها ملو عليه حكاوي

وقال مرحبا بيكم ابغير زعالا

القيهم ايجاويا وهو سعداوي

واباتوا نسب جملة اشروطا شالا

شديد عزم شايينا قديم بلاوي

اناخذ فخر مردوع لويت شالا

غصبن على النقار والحسداوي

كيف من اقتل بوه اورزا قتالا

حوزتك الغالليك اباب شهاوي

اقرون عازه ...

انعد اللي خادع نساها

انخط افداه

المرج وسكانا وابناه

اللي لمسا زلزال هفاه

ابناه انهد

ردبما عالسكان همد

الحوش اللي واسع مبناه

آثار قعد

قزازا عللر كان اقند

واعاد عواويلا وانساه

اتقول هبهد

ذوايح في تاريخ نكد

غلا سود ...

انعد اللي خانك يا عين

اشهودك وين

امعك نقص ضاوي العرنين

## غلا سود امياميه انعد

غلا سود امياميه انعد  
اركيب مد  
اقحش ما منا حاشي رد

انعد غلا سود امياميه  
اللي ناسيه  
امبوزع فالصوب اوصاغيه

جفاني حتى نا نجفيه  
عليه انعد  
سوايا مبداهن واكد

رخاني وين اعبيت عليه  
غلاي فسد  
رخا فيه الياسات هدد  
غلا سود ...

جريتني في مدعاه اسنين

واثاني رد

ارسالك م المعطان طرد

غلا سود ...

انعد اللي خان الغيات

بلاسيات

ابريق انطج اباليات

عليه تلاقن غواسات

ابا لمد

اشاظا للقزات ورد

غلا سود ...

انعد اللي رابا الغراض

بعد للفاض

ازراعا مجن وان انقاض

العب فيهن قبلي نفاض

عليهن بد

هفا راحن عثمان اسود

غلا سود ...

الغالي كان امعاي انحل

بعد قول احلف امينات

انسي صحبتنا واذايل

بنات الدنيا ميوجدات

امعا ناس اخرين انشكل

ابصحبا وانديروا غيات

انسيبوا موالا بلكل

انجيبوا غيرا حيكيات

ان كان اتبع قول القايل

خذا في اقوال عطيبات

الخونا ما تشفيللا غل

امغير سوايا معدودات

اعيبا عالحان تنعل

واصدعا وازيادت سيات

انكان نكرنا واذايل

انعدوا بوشوط انفالات

نواجع في اوطان امقبل

منازلهن روس الدفات

اسياد العطايا والبل

منيف احاسه واعبيدات

فراسين نباهم ينعل

احمايت عيت ام اهلالات

منازلهم فوطان الجبل

المولى عاطيهم غايات

اكحيللا في شطبان اهمل

اتحوش عليهم بالميات

جملها لا عمرا عقل

ولا برك بين اعدالات

الا ما عايش يضلول

اعرابي مطلوق اعنايات

امهدا في خلفات فحل

حواريننا دارن زنات

اتجض اتقول اجباح نحل

ضناها في وان الحوشات

عليهم راد الله واقبل

قحشم لا طالي ريقات

امسوع سود خذوهم جل

عبيد لغاويهم شينات

النجع اللي كان امزنكل

شباباتا كيف الخزنات

خذوه ابوشناتا بكل

اكحيتا والشاويافات

وياما من بيت امعدل

ابعباديا واكليمت

نظاد يا كي الوكايل

كراميدا دارن لجات

خذو واشونا راح اضلال

قعد باحمولا منضودات

عليهم عند الكافر غل

قحشم بتراب النزلات

رماهم في غردات ارمـل

اعقيلا واوطان بعيدات

عليهم طق زرايب تل

اسم الله يا اصحاب الهيات

تردوا من العازا والقـل

اغربا واحكام شدييدات

اكحيتا ودالنها لعقل

واتمت في حال الغرات

وهي كانت في اوطان اهل

اموكرها قور عفيات

عليها حاكم زور احصل

ابقي مرتعها بالساعات

ولكن ما حال المحول

المولى ببدال الحالات

الكافر حكمه ما طول

الظالم ما عند هيبات

انظركم عام او هو دايل

واثاني صحنلا رايات

القي منظارا متعدل

وحاكم باحكام عنيفات

توتر بايمان انختمل

صحارى مصر الفوقيات

مشا ابتقاوي متعنقل

اطيور أو جيش أو دبابات

ولدها أو مشا راحل

مشن قواتا منتقلات

وخدها بالعرض أدبل

اهندز في السلوم امبات

اولهن في طبرق نزل

أبنا لكبارا خيمات

الله لا ابروعك هو غافل

اولهن فاجنا ثقليات

اطيور اتقول الفاف نخل

وحرابي من كل اعمالات

اقوم اتقول اذياب جبل

عويل اهنوا في الدعكات

أوفى جرتم جا راحل

امدرع من عال العالات

تلاقن والمقصود احصل

اتما تكميد ابزندات

واعاد الماتاروز اشل

مشاهيبا دارن ولعات

واعاد المدفع يززل

رعود اتلن في غيمات

واعاد الشنطا والبرطل

حوما ما عنهن نشدات

ثلاث اسنين اما بطل

نهار اوليلا منقرنات

افات ثلاث اسنين ادقل

اكسر لا طالي راح شتات

خذوه ابقواتا بكلل

افات اخياما مبنيات

اوياما من جندي جحدل

شناطيا طارن حدقات

اوياما من ضابط دايل

امشاوط عالعاتق نجمات

اصبح ذايب متجحدل

اخليه القزير فتات

اوياما من طير امعدل

امواتيرا دارن غليات

اسطاويا مو مستعجل

اموثق في الخارب عالات

رقابا سيدا متعنصل

اشريل فيه ابماكينات

امكلف بارماتا بلكل

امعاه وشايح ملضومات

بعد في تاسع ميل احصل

توارا غيب في مزونات

ترامولا تقليز اظلل

عليه تلاقو بامرايات

زووه ابمدفع جا نازل

قزازا والقزير فتات

اونا ما نعرف ها العلل

اولاني حاضره جيات

امغير على قول القايل

اللي منهن ناظر شدات

اونا عنوي لو هالي المعمل

ولا ملطم بين اقرانات

انشا الله يتخذوا بالكل

اخوزقني سمح الصيفات

امراضي من عين الجافل

اللي قال امعانا كلمات

وثاني عند الغير احصل

مشا ابطينا والغيات



عزا فاللي في قوللا فل  
سبيب جرد اقطع لاخذ مال أولارد

غلا سود .....

هذه القصيدة طبعت في اسطوانة  
تطلب من مكتبة الاندلس  
تلفون ٥٣٧٨

## جَا دُونِ أُمِّ قَرُونِ بِجِيدَا

رحلة عبر الصحراء في سبيل الحب :

جَا دُونِ أُمِّ اقرونِ بجيدا صلب اكيدا  
بوفطرين سليم جريدا  
جَا دُونَا رِقْرَاقِ أَدْفَا مَا نَعْرَفَا  
فَيْتِ عَلَي حَايِلِ تَسْفَا  
وَاللّٰهُ هَايِجِ وَيْنِ انْهَفَا بِجِدْرِ بِيْدَا  
مَشِيْتِ يَوْمِ غِيَاضِ اْتْرِيْدَا  
جَا دُونِ .....

جا دون اديار الزينين امسافر شين  
شطط لو يوم ولا يومين

اخذج بوخمس امواكين اقيض حديدا  
يستا كل من جور صهيذا  
جا دون . . . .

ياما من رقرق حطيا جا دون أم اقرون ملاوي  
جوبا عالمشاي حفيا وطن ايدير افجوج خلاوي  
قور ازرق ما فيه امويا مشيا عالذانون هزاوي  
زور امفيت على امهريا ذملتا حضرة عيساوي  
كلفت الغبرا اجويا واقلاس اموتيه اصطاوي  
متعنا متعت طرقيا خذت امعاي خير قطاوي  
عاش في لرض الفوقيا كل مكان عليه امهاوي  
فاجت بي كيف النيسيا تصعفق من بين علاوي  
كي الحماما لفراديا ذملا وتجبير خطاوي

شايلها غيض المبليا  
ما فاتت مالحيط شزاوي

قيس الزرارا البطيا  
دوبا ضي المغرب ضاوي

جيت على نزلا لزويا  
ندمل في ذملا عسراوي

فيها بيت كبير ابضيا  
سامع به ملفات اجلاوي

لاقانا عيل طرحيا  
ربت خير ولد شرماوي

قال ايسارا يا طرقيا  
يعزم من جدا موماوي

قتلا لا مازلت اشويا

عندي لاقدام جلاوي

قالي ليل امضيق عشيا

واصدارك وديان خلاوي

تكتيت أواطا الحويا

فرشنا غطيا أو كساوي

جابلها علفا وامويا

ناض اهيل الهامو ماوي

لا شربت لاجتانيا

ما زال عصرها متقاوي

طالقها مرتوع الحيا

منطويا وامغير اتساوي

ضيفنا ضيفا مسميا

في خير ابتنا ابجكاوي

جابلنا فرشا مصريا

رقدنا مرقد رسماوي

مانك غايي فيهن شيا

حالات المشغول الغاوي

تمن يضارن بمويا

ندرف نوم اعيوني شاوي

من تمويح اديار رقية

منحلات على فجاوي

والمغدودا تشغل فيا

ناضت نص الليل اتلاوي

فزيت افيدي الحويا

واركبت اعديت انواوي

قبل الفجر اعلم ضيا

خشت قض ايدير حناوي

لا وين مناهل وامويا

لا وين السقاي اهاوي

لا وين عليه ارعاويه

لا وين اركيهيم داوي

فيهم واحد عرف بيا

صوبا يعرف هالجلاوي

نشدا في نشدا مرخيا

ثاريتا تقاز بلاوي

طوح قز ابهت فيا

قال اصبر يوجاك امهاوي

تاقزتک تتبع فالنيا

ما فيها تمويح جلاوي

قمعزنا ونصب شاهيا

والجمال ابان اهاوي

برك واسقيناه امويا

نين اجابدن ابجكاوي

ثاريتا فاقد غاليا

طاريللا مطراي اناوي

قتيلا ما تخبرهم شيا

عيت افلان على فجاوي

قال اطلع في هالسويا

تلقا درب امقبل ناوي

تركب في سوا طرحيا

لا ارقبا لا روس علاوي

قيس العصر اتجى الخطيا

شرقي شطبان الطرفاوي

فيها شيخ ابرفراويا

ديما يشعل نورا ضاوي

راها منطرحا قبليا

نزلت بوخجلات ملاوي

فوجت الغبرا فالنيا

راغب في تقطيع صواوي

فضت شاهيت العصريا

جيت البيت اعيون الناوي

لاقتنا كيف النيسيا

تشلا بيديها وتهاوي

قالت مرحب يا خوتيا

يا مزهات العقل الشاوي

بتنا في ليلا طرفيا

حفلا ما صارت لجلاوي

عشر اليالي بالعديا

واحننا في تخويف زهاوي

حوددنا حد القسميا

من مقعد بودور ثناوي

شدت اوقالتي هيا

لبست من عالي الكساوي

قتلها تسما سيا

نا حاسب روحي سعداوي

## حُبِّ وَفِشَل

قصة حب حقيقية وقع فيها الشاعر  
ثم باءت بالفشل فقال هذه الازوجة :

عزا فيه انهالي يا عين      الغالي وين  
خطاه قسم ليلىك ليلين  
عزا فيهم ماني ناهيك      انبكي فيك  
ابغيض على وسع امواقيك  
انهالي با معال غواليك      المنحازين  
عليك اصعب غاشيهم وين

وانتي بوك غشيم اشويا  
نبقا نا وياه قضاوي  
قالت جر اتوادع فيا  
دمعتا عالغد شهاوي  
لاكن ما صاحب احذاي  
على مكيدا بكيئا يوم التسقيدا  
جن دون ...

هذه القصيدة طبعت في اسطوانة  
تطلب من مكتبة الاندلس - البركة  
تلفون ٥٣٧٨

خطاهم ما زال امخليك

اتكابي نين

اتحازي فاليوم ابعامين

عزا فيه ...

عزا فاللي مدعاهم باد

اليوم ابعاد

زونهم رايات الحساد

ان كان خطر غاشي لرياد

انهدي نين

ايفيضن ناياتك لثنين

رجيتهم واجد ما فاد

ابكي دمعين

اخذي مدة عامات حنين

عزا فيه ...

عزا فيه انهالي ابشطط

عليه فقط

احزام المكروم الجالط

امراضك بوشنقال أخط

أغمازين

أخزرات ادقول طواعين

اللي قسميتا عني لط

اجعنا بين

كراهب متمازي جزوين

أويبقى من عندا الغلط

السواقين

برا ما يلحق فيهم دين

عزا فيه ...

عزا فيه انهالي ابحمق

الغالي شق

افوادي يجروحافلوق

أثاني مول الدمليج لق

استاعر نين

اطبق دونا كم باب متين

أنحنا وين

لووه الحساد أفارق

طربنا من فرقاہ الشين

عزافيه ...

انہالي بظروف العازات

اللي بانن يا عين اليوم

على فرقانا للغيات

اللي كانن لنا ريسوم

اليوم علينا منحللات

فجاوي لباس المكعوم

ردمنا ريعان الياسات

رقيق أهب عليه نوم

۱۳۰

اخذي ليلك مهناك أمبات

نحيب على ضاوي الخرطوم

ارقاق عزاييم بكايات

أهو قاعد يا بال اليوم

غنى واديارا مندفرات

انظر فاي ابلادات . ايجوم

بعيد اخبارا منقطعات

نبا من عندا مو محتوم

احظوظي منا معكوسات

انجرب فيهن يوم أييوم

۱۳۱



معاشي بين التقازات

ابن البراجا مقسوم

انعازي في اقسام صعبيات

مخليهن لا ياس اطوم

مناقض بوشوط انفالات

اجن قدامي وآن النوم

انسيل ابن ما عاد انبات

ان كان رقد موج الديوم

الليل على عد الساعات

انغرد كيف فريد اليوم

انكابي فاركان الساسات

انخمم رايح في ديوم

امفارق لولاف ابولعات

اطريلى كي حال المفطوم

اعيون الطايب عالخوزات

رحل ما علق في اد موم

اخلا لنظار مقيمات

امعاهن مشهابا ملحوم

ايقجن ماقيهن فلات

سبابل وامقابلهن يوم

عطن فيه احقوق العرفات

الجار على جارا له لوم

## يَا لَابِسَ سَاعَةٍ وَأَمَلَايَا

أعجب الشاعر يوماً بفتاة  
مرت بجانبه في احد شوارع  
بنغازي وهي تلبس الملايا فنظم  
هذه القصيدة :

يا لابس ساعة واملايا      منك دايا

تأثم بي قليت هنايا

يا لابس لبسا عالكيف      أخذ نظيف

أدور اشعل ماح لفاليف

انظاري غفلا امعزولات  
انهارن نين اقجن من غير اموازين  
اخول ما زالن مالياسات  
اجظن وين تهايا لابس بوطرفين  
عزا فيه .....



طبعت على اسطوانة تطلب من دار  
الاندلس - البركة

انظاري لك دوم مشاريف

احدود امنايا

تقعد يوم امعاك كفايا

يا لابس . . . . .

يا لابس من عال العال

ان كان اتسال

سرييك له مدا في البال

وخايف نشكيلك بالحال

اتعيب امعايا

نبقوا لذانون احكاي

يا لابس . . .

يا مول المشيا غليني

شاغل عيني

وآن علي وآن امبكييني

عارف منظارك خاطيني

مو تالايا

لكن ما عالعين اعنايا

يا لابس . . .

يا لابس ساعة واخمار

أودور غمار

اخذ ابان ادقول فنار

ان خطمتي احوسن لنظار

احدود عزايا

نذرف نين اخيب عنايا

يا لابس . . .

يا مول المشيار ابصر

أعين اتظر

انجيتي في قفطان اكر

اركان احرابا متجظر

طويل اعنايا

حاكم في خمسين ولايا

يا لابس . . .

## فهرست

٥	مقدمة
١١	عيد الجيش
١٤	انعرزي اخواني
١٩	يا غزال لا تجارا
٢٦	طوقا والمرنين اضوا
٣١	محاورة بين العقل والعين
٣٤	الحُرّ وتجارته بين النسجوع

يا موال المشيا ترشيق  
اثوب رقيق  
افرنجي موش عمل شافيق

اتمزق في جوفي تمزيق  
أشقا ابدوايا  
قبل اندير امعاك قضايا

يا لابس ...

٣٧	ابد معايا لنظار
٤٣	يا العين بابكاييا
٥١	غلاء المهور
٥٦	نظيفا والبستي م العال
٦١	بنات بلادي
٦٥	انتي شوفك شوف الخايل
٧٠	قوره اتقول خيام
٧٨	عزا يا عيني في لشعل
٧٠	رنن تال الليل
٨٤	أحدود الغايا جيب التحن
٨٩	كُشُوم
٩٤	ضمة قشة